


Conzerc de Advënt

Le "cantus juvenis" sot ala direziun de André Comploi ves inviëia al conzert "Revelaziuns" ai 09 de dezëmber a Al Plan te dlìjia dales 20:00 y ai 10 de dezëmber a Porsenú te dlìjia di Kapuziner dales 15:00.

La Scora de Musiga tègn n "conzert da Nadé" le lünesc ai 18 de dezëmber 2017 dales 18:00 te dlìjia a Al Plan. Al cianta y sona les scolares y i scolars dla Scora de Musiga dla Val Badia.


Pelegrinaje dles RITES 2018: por les Rites che n'á por cajo nia ciafé l'invit. En la Festa de S Rita ai 21 - 23 de ma 2018 junse a Cascia. Se anunzié y informé atira al nr. 335/1019128 o a parrocchiabadia@libero.it



Le KVV inviëia vëdui, vëdues y porsones sores en sabeda, ai 16 de dezëmber dales 14:00 tla mensa dl KVV da Bornech a na bela festa da Nadé. Prenotesse præibel pro la raprejentanta dl KVV de osc paisc cina ai 14 de dezëmber.

Le Consëi Formaziun dl Comun de Badia adöm al Sorvisc ai Jogn mët a jí dui dis de formaziun sura ci che al ó ester por mèter sò na band, cun Benni Valentin, tl Zënter dla Jonëza a La Ila, ai 29 y 30 de dezëmber. La partezipaziun é debann. Informaziuns y prenotaziun a valentin@jogn.org cina ai 23 de dezëmber.

KVV de Badia (tesseris di mēmbri): al vëgn porté fora chisc dis les chertes dl KVV 2018. Bel giulan danfora a chi che les cumpra. Sce valgügn de atri oress aposté la "tessera" (al prisc de 20 €), ince por sostegní chësta uniun che laora tl ciamp sozial y dla solidarieté, pói se mët en contat cun Iaco Clement (nr. tel. 0471/839772).



Plata dla Ploania Badia

San Iaco - San Linert

Ploan: Siur Iaco Wendelin Willeit
Calonia Badia: 0471/839571
E-Mail: parrocchiabadia@libero.it
Radio dla Ploania: 91,10 Mhz

UNITÉ PASTORALA



www.unitepastorala.org

Ann „B“ 10.12. - 17.12.2017 2^a d' Advënt n. 02

Arjignede al
Signur le tru!
Avaliede les
strades !



Vangele dla proscima domënia - 3^a d'Advënt dl Ann „B“ Jan- 1,6-8.19-28

Al é lové sò n chestian, che é mené da Idí; so inom ê Jan. Al é gnü sciöche testemone a ti dé testimonianza ala lôm, por che duc rôies tres êl ala fede. Êl ne n'ê instês nia la lôm, al â mâ da ti dé testimonianza ala lôm. Chësta é la testimonianza de Jan: Canche i iüdes â ortié da Ierusalem infora proi y levic da d'êl cun la domanda: Che este pa tó?, ál confessé y n'á nia loghené; al á confessé: lö ne sun nia le Messia. Ai l'á damané: Che este pa spo? Este Elia? Y al á dit: I ne le sun nia. Este tö le profet? Al á respognü: No. Dailó l'ái damané: Che este pa tó? I messun ti dé resposta a chi che nes á mené. Ci nen dijeste pa de te instês? Al á dit: lö sun la usc de chël che scraia tl desert: Avaliedi le tru al Signur!, sciöche le profet Isaia á dit.

Danter chi ch'ê gnüs ortiá a damané, êl ince farisês. Ai á damané Jan: Ciodí batiëieste pa spo, sce te n'es no le Messia, no Elia, no le profet? Al ti á respognü: lö batiëii cun ega. Ame-sa os ite n'él un, ch'i ne conescëis nia, êl é chël che vëgn do da me, y iö ne sun nia dëgn de ti desciolé i cialzá. Chësc é sozedü a Betània, söl'atra pert dl lordann, olache Jan batiá.

FUNZIUNS SACRES

10.12. 2^a DOMÈNIA de ADVÈNT - Ann B

10.00 Mëssa por la Comunità

19.30 RORATE: Uniun teater, artisc, grup troht (cianta le terzet)

†to Tone Irsara de Pescol

†to Elias Dal Bosco

†ti Paul y Nane Pizzinini

11.12. Lünesc

07.30 Les Laudes

12.12. Mertesc

19.30 RORATE: cor de dljia y chi dai confaruns (cianta cor dljia)

†to Erich Dapunt

ad intenziun / por les animes dl purgatore

13.12. Mercui - **S. Lizia**

07.30 RORATE: amará y soferènc (cianta i scolars)

†ti Nazio y Tarina Pizzinini

†ti Domitilla y Sepl Pitscheider

†ti de Carmela Nagler Irsara

14.12. Jöbia

19.30 RORATE: Uniun di Èi (cianta le grup de Raimund)

†to Sepl Tavella

†ti Franz, Maria y Sepl Burchia

por na porsona en dificulté

15.12. Vëndres

19.30 RORATE: Mùjiga y en record dla roa (al sona la mùjiga)

†to Florian Valentini

en rengraz.a S.Ujöp da Oies / por les püres animes

16.12. Sabeda

19.30 RORATE:KVV cun mēmbri y familiars (sona grup saxofons)

†ta Eveline Rudiferia

†to siur Pire Frenademetz

†ta Angelina Craffonara

17.12. 3^a DOMÈNIA de ADVÈNT "Gaudete" - Ann B

10.00 Mëssa por la Comunità

19.30 RORATE: Uniun èles y cor Kerygma (cianta le Kerygma)


†ta Clara Pescoller

†to Milio Costisella

†ti dla fam. Flurian y Lucia Sottara

• oferta de Advënt •

Dala VITA dla CÛRA



Marëna dla jënt atëmpada: le Consëi de Cûra inviëia i berbesc y les mèdes en chësta domënia, ai 10 de dezëmber do mëssa grana, a jí te Ciasa dles Uniuns ala tradizionala marëna da Nadé. Dedô gnarál fat na picera devoziun de Advënt.

Funziun Penitenziala: recordun bel sëgn che ala sará en jöbia ai 21 de dezëmber dales 19:30.

Prozesciun dla roa sö Oies: en jöbia, ai 14 de dezëmber dales 14:00 vá – sciöche vigni ann – la prozesciun dala Capela dla Roa sö Oies y dailó sarál la mëssa de rengraziamënt.

Bibelrunde cun Siur Sepl Granruaz: se incuntun en vëndres ai 15 de dezëmber dales 20.00 te calonia de Al Plan (bass ite). Düc é der bel inviá.

Oferta de Advënt – « Adventsopfer 2017»: do chësta präia l'ufize Aministraziun dla Diozeja por podëi finanzié les tröpes ativités ince a sorvisc de nosta Cûra. Ala gnará trata ite en domënia, ai 17 de dezëmber.

Ora de Taizé: düc é inviá en vëndres, ai 15 de dezëmber dales 20:00 te capela a Oies.



Meditaziun de Advënt: la Uniun dles Èles inviëia dütes en lünesc, ai 11 de dezëmber dales 15:00 te Ciasa dles Uniuns. Al gnará ince fat le "quiz", porchël tolesse do le sföi "I bin dabei" por chëles che l'á ciafé.

Fosses te curtina: ince chësc ann vëgnel invié da tó demez les crusc che podess gní rovinades dala lovina che vëgn jö dal tët de dljia.